



21428

komp.

III

Mag. St. Dr.

Stanisław

Adalb. Sack. Remedia iuris contra  
violentiam factorum.

PANEG. et VITAE

Polon. Fol.

№ 732.



I  
C  
A

PE

I

N

J.U.  
dem  
covi  
Illu  
Con  
PRO

CU

Philo  
PRO



1276

**REMEDIA JURIS**  
**Contra violentiam factorum,**  
Ad instantiam Virtutis, Sapientiæ, & Meritorum,  
In obitu

*PERILLVSTRIS olim & REVERENDISSIMI DOMINI,*

**D. M. STANISLAI**  
**MAMCZYNSKI**

J.U. DOCTORIS & PROFESSORIS, COLLEGÆ Juridici, Ejus-  
demq; Collegii SENIORIS PATRIS, Ecclesiarum; Cathedralis Cra-  
coviensis CANONICI, Parochialis in Przemykow PRÆPOSITI,  
Illustrissimi Consistorii Generalis Crac: JUDICIS SURROGATI,  
Contubernii Jurisperitorum PROVISORIS, Universitatis Cracov:  
PROCANCELLARII, Canonizationis Beati JOANNIS CANTII  
PROCURATORIS, &c:

De Ecclesia DEI, & de Republica Literaria meritissimi.

**EXPORTATA.**

Et dum Ei iusta funeralia

In Ecclesia Collegiata SS. OO. Cracoviæ,  
cum ingenti Ordinum Academicorum dolore persolverentur,

P E R

M. ADALBERTUM JOACHIMUM FOLTANSKI,  
Philosophiæ DOCTOREM, Eiusdemq; Regium ac Tylicianum Eloquentiæ  
PROFESSOREM, COLLEGAM MAJOREM, Ecclesiæ Collegiatae S. ANNÆ  
CANONICUM, ac protunc Artisticæ Facultatis DECANUM.

Venturæ Posteritati

**INTIMATA.**

*Annô Domini 1761. Die 21. Octobris.*

---

C R A C O V I Æ.  
TYPIS COLLEGII MAJORIS.

21.428 III



# REMEDIA JURIS, Contra violentiam factorum.

O rigidas & inevitabiles factorum leges!

O deplorandum rerum humanarum sub Sole Statum!

Percunt non sinè jactura, subitís aliquandò vicibús,  
quæ à natura vel arte magistra

Æternitati donata esse, & arbitrabamur & volebamus.

Non magis Pater, quàm parricida tempus,  
quæ in tempore orta & aucta sunt,

in horas & momenta edax rerum consumit.

Jam nunc libenter concederem non fuisse fabulam

dentes tempori chalybe duriores esse,

cùm nil sit etiam Pario de marmore factum,

quod subito tanquàm stipulam non comminuat.

*Contrita sunt utiq; Thebanorum mania,  
quantumvis are fusa fuere.*

*Ipsa non nisi agrè colligit fragmenta Ægyptus*

*è fracto quem nuper indigitabat Solus Colosso.*

Nec irem inficias tantæ factorum violentiæ,  
si exciperentur ab illa

omni exceptione majores Viri.

Sed nullum suus tutatur honor

à peremptorio sævæ nimis Libitinæ termino,

nulla exceptibilis ætas vel Dignitas,

nulla dies & hora metu vacua,

nullus locus sub Cœlo immunis.

Quæ vos o tanta caput licentia fata!

non omnia licent quæ libent.

Quod nam in doctum jus habetis caput?

quibús mortis ligatur legibús

Superstes etiam post funera virtus?

Quæ



1278

Quæ caduca sunt juri subsunt fatorum caduco,  
sed non quæ suo in robore firma & æterna.

In tantum vallata sunt immortalitatis privilegiis

Omni ære pretiosiora animi bona,  
ut ex illis fatalis nil posset decerpere casus.

Qui intaminatæ virtutis fuere in vita possessores;

sunt etiam post fata legitimi rectefactorum Hæredes,

& ideò ab omni mortis impetitione semper liberi.

Non nisi ad lacinias corporis se extendit  
illud statutum

*cui contingit nasci, restat mori.*

sed non ad meliorem vitæ partem.

O vitiatum nuper fatorum Processum!

o duram nedum hodie inclementiam lethi!

Quò titulò licuit,

Virum de Ecclesia DEI semper bene meritum,

Literis ac Literatis desideratissimum,

vividum ingenio,

Viribus integrum,

dotibus percelebrem,

authoritate gravem,

gratiâ PRINCIPUM florentem,

virtute & sapientiâ ubiq; commendabilem,

*Perillustrem & Reverendissimum olim*

**M. STANISLAUM MAMCZYNSKI,**

**J. U. DOCTOREM & PROFESSOREM,**

**Ecclesiarum Cathedralium Crac. CANONICUM,**

**Premykoviensis CURATUM,**

**Almæ Universitatis Crac. PROCANCELLARIUM,**

finè præscripto termino,

finè omni monitorio

ad mortalitatis peremptoriè provocare forum.

Et quod est tale jus absolutum fati?

contra exemptiones virtutis & eruditionis.



1279 Ubi immaturæ mortis æquitas & ratio?  
Sapientissimo J.U. DOCTORI inhibere Cathedram,  
æquissimum Consistorii Cracoviensis JUDICEM Surrogatum,  
ad communem quibusvis hominibus subeundum pœnam  
violenter nuper velle cogere.

Ab Almæ Universitatis Cracoviensis PROCANCELLARIO,  
nullam in ulteriori processu licentiam petere,  
sed eam violenter eripere.

### Proinde

adversus tantam, tanto Viro illatam violentiam,  
virtus, eruditio, & longo ordine recensenda Merita,  
non modò protestantur quàm solennissimè  
verùm quàm in plenissima forma  
exportant REMEDIA JURIS.

Et jure quidem optimo;

Nefas fuit hunc mortalitatis subiacere legibus,  
qui nihil non dignum immortalitate gessit.

Non potuit ad fatorum spectare forum,  
cujus post fata superstes fama  
inevitabilibus mortis contrariatur decretis.

Nec esse posset ulla major toto Cœlò injuria,  
quàm ea brevissimis vitæ concludere spatiis  
quorum mensura venientia erunt sæcula.

Non ne ergò cæcum Numen Libitina,  
dum cæco cum STANISLAO processit impetu.

Nôisset melius Personarum delectum,  
si non modò vidisset, sed etiam palpâset,  
ejus eruditionis, vitæ & virtutis,

Processum,

è Protocollo laudabilium Aëtorum

Extractum,

& nuper ad ingressum

Doctoralis Jure in Utroq; Cathedræ  
Publicatum

Rescivisset



Rescivisset hinc quòd fuit MAMCZYNII Patria,  
 Regina Urbs Urbium in Polonia Cracovia,  
 Regum Coronis & exuviis supereminens,  
 Coeli Indigetum domiciliò percelebris,  
 publicæ securitatis locus:

quæ ut Turribus suis Coelum vertus attollitur,  
 sic & Magnis quavis ætate Viris excellit.

Legeret aurò cedròq; notanda acta  
**SEBASTIANI MAMCZYNSKI,**  
**PROCONSULIS CRACOVENSIS,**  
**& CATHARINÆ PARENTUM,**

in quorum totius vitæ processu,  
 ad regulam & normam intaminatæ virtutis formato,  
 etsi ipse olim de *Urbe* descendisset Cato,  
 nil lynce pupilla, dignum censurâ observâset.

Viva est & post sui fata Antecessorum imago,  
 stans melius à fatali casu Majorum laus STANISLAUS,  
 de quibus tantum virtutis & gloriæ decerpit,  
 quantum Protegenis aut Apellis manus  
 non potuisset decerpere, & æternitati servare.

Appello testem, ejus lacte sapientiæ Altricem,  
 Almam scientiarum Matrem Universitatem Crac:  
 Gavisa fuit hæc magnorum Genitrix Virorum,  
 dum ad quævis maxima natam vidit indolem.

Jam in aurora certò certius prævidebat,  
 quid serus vekat vespere,

ex illis quæ prominebant naturæ & virtutis igniculis.  
 Cùm necdum cum Papyrio exuisset prætextam,  
 tanquam Reipublicæ Literariæ futurus Stator & Confus,  
 quæ togatos decent Viros agebat.

Exercebat quidem in Scholastica arena lusus,  
 sed quæ non ludicra ast seria sapiunt.

Ad quam per omnes gradus devenerat ejus Sapientiæ,  
 fuit initium timor Domini.

B

Junxit



1281 Junxit enim eruditionem pietati,  
pietatem eruditioni.

Inter castum Musarum chorum  
& compositum ad verecundiam præseferbat vultum,  
& optimè comptos semper præsentabat mores:  
Æstimavit ut plurimum hæc ejus talenta,  
recti honestiquè studiosissima,  
ingeniorum indagatrix,  
Virorum arbitra  
Jagellonica Pallas.

& dum ea in gravis judicii ponderaverit statera,  
censuit in sinu almæ Matris reponenda,  
& in Archivo Academico asservanda.

Aliàs

omni virtutum genere ornatissimum

**STANISLAI MAMCZYNSKI** animum

excultam Artibûs Liberalibûs mentem,  
erudita factum Pallade caput,

post rigdum sui ex officio examen,

utraq; in Philosophia exornavit & coronavit Laureâ.

Quoties superiorem Artistarum conscendit Cathedram,  
toties fuit sui memor Sacramenti Doctor.

Ejus solidi in Peripato laboris

*pleni sunt Decanales Libri,*

Quamcunq; Philosophus suscepit Spartam,

non modò ab ea fuit exornatus,

sed etiam illam pulcherrimè exornavit.

Legit pro munere non perfunctoriè,

priùs domi instructus disputavit è loco expedite,

peroravit pro Rostris fluidè,

& quod non modò satis, sed plùs quam Academicis ad gloriam  
*semper fideliter laboravit.*

Ad vitæ suæ desideratissimæ tempora,

pro atate, Statu & viribus

publicum Universitatis hujus promovit Bonum.



**Est ars artium in Academiis maxima**

educandæ ad Sagum & Togam Juventutis.

Illius felicitatis, prudentiæ ac fidelitatis fuit.

*in Pinczovien: Scholis,*

*in Vladislavianò Novodvorscianis Classibus*

& Hieronem, & Archinavarchum agere.

Quantùm profuit ad eloquentiam *Ciceroni*

**Possidonius,**

ad bonitatem & clementiam *Trajano,*

**Plutarchus,**

ad res gloriosissimè gestas *Epaminondæ*

**Lyfias,**

ad cognitionem rerum Divinarum humanarumq; *Aristoteli*

**Plato,**

ad gubernandam feliciter Rempublicam nostro **VLADISLAO**

**Callimachus;**

tantùm ille natis ad Sceptra & Fasces Polonis Ascaniis,

dum præfuit ad uniuscujusq; statum profuit.

Ejus mira eruditione & morum gravitate allectus

**CELSISSIMUS PRINCEPS,**

*Illustrissimus olim & Excellentissimus Dominus,*

**D. JOSEPHUS CZARTORYSKI,**

*DVX in Kiewan, Korzec & Olexienice,*

**Supremus M.D. Lithvania olim VEXILLIFER,**

Illius judiciò ceu Lydo lapide probandam

*Celsissimæ Domus sue & Virorum gemmam,*

de Ducibus **CZARTORYSCIS,**

Nominis, gloriæ & meritorum Heredem

adpræsens Regni **VENATOKEM** dignissimum,

non modò æstimationi sed etiam privatæ educationi reliquit.

In eo docendo quàm perspicax fuisset,

ex illius nunc pro Aris & Focis promeritis,

& colligit unusquisq; & intelligit.



1285 Quis igitur rectam non intulisset consequentiam,  
è tam claris MAMCZYNII laborum præmissis,  
alteriorum & in Ecclesia DEI, & in Universitate graduum.

Admirabantur singuli ejus animi magnitudinem,  
**in Domo Minori**

quam crescentia in dies merita semper altiùs attollebant.  
In illo ad quævis magna vocatùs Viris percelebri Collegio,  
& quod omnium Collegiorum Seminarium est;  
jam Aristoteles suum volebat esse MAMCZYNIUM,  
jam Divina scientia expansis manibùs expectabat STANISLAUM  
Nec ita palmam præripuit Cælestis Astræa,  
ne simul majori in parte satisfactum fuisset,  
& aliis in corpore Universitatis Facultatibus.

**Ad Collegium Juridicum vocatus**

ex quo ab antiquo Polona sumit oracula Themis,  
junxit Aristotelem Justiniano  
ne foret acsi informe sine ejus organo Corpus Juris.  
Ut in jure semper perspicacissimus fuisset,  
erat semper mens ejus limatissima,  
*Solis Thomistici Deferens.*

Auxit ut plurimùm sui Nominis & gloriæ famam  
**in Majori Polonia,**

cùm difficillimis illis (cui constare potest) temporibus,  
perantiquæ Posnaniensis Academiæ,  
**STATOREM & DIRECTOREM** egerat.

Non pænivit Universitatem  
in ejus Colonia hunc habere Superiorem,

**Cujus Nomine,**

apud Majoris Poloniæ Procures amplissimos  
hucusq; optimè audiret.

Fuit Illi acceptissimus semper,  
qui de eruditis poterat & noverat judicare.

*Illustris-*



*Illustrissimo & Reverendissimo Domino,*

**JOSEPHO à Kierz KIERSKI,**

**EPISCOPO BOLINENSI,**

*Suffraganeo & Officiali protunc Posnaniensi,*  
nunc Regni SECRETARIO.

Ejus eruditionem,

edecumatum judicium,

atq; incredibilem rebus in agendis dexteritatem,

colebat nimis & æstimabat,

rigidissimus rerum & Personarum æstimator,

**CELISSIMUS PRINCEPS,**

*Illustrissimus olim & Reverendissimus*

**CHRISTOPHORUS ANTONIUS**

*à Stupow* **SZEMBEK,**

**ARCHIEPISCOPUS GNESNENSIS,**

Regni Poloniarum PRIMAS primusq; PRINCEPS,

Cui quomodo magnarum quarumvis rerum à consiliis fuerat,  
Europæo testatus est Orbi,

cùm Canonizationis B. BOGUMILII,

*Archiepiscopi Sanctissimi Gnesnensis,*

in generalem Eundem PROCURATOREM constituerit.

Magna sunt, quæ pro Sancto non modo dixit,

sed etiam scripsit & egit.

Quæ singula auro Cedroq; notanda,

jam seræ posteritati sunt transmissa.

Emanavit horum & aliorum Ejus gestorum fama,

etiam ultra Poloniarum limites,

quæ licet peregrina sit,

tamen est oculatus testis,

Quis, Qualis quantusvè fuerit Vir?

**MAMCZYNIUS.**

Consimili Studiò fuit



1205<sup>in eo ornando, & æstimatione prosequendo,</sup>  
**CELISSIMUS PRINCEPS,**  
*Illustrissimus & Reverendissimus Dominus,*  
**CAJETANUS IGNATIUS SOLTYK,**  
**EPISCOPUS CRACOVIENSIS,**  
**DUX SEVERIÆ,**

Universitatis nostræ CANCELLARIUS Faventissimus.  
Quem non modò Generalis in Regno Studii,  
alias Regiæ hac Regum Coronatrice in Urbe Scholæ,  
omnium Facultatum PROCANCELLARIUM constituit,  
sed etiam Illustrissimi sui Officii,

**JUDICEM SURROGATUM** fecit.

In utroq; æquè gloriosissimo ac onerosissimo Munere,  
quantum tulit, sudavit, & alit,  
qui Acta Ejus vel in parte legerit,  
intelligere potest, & seram posteritatem informare.

Quoties pro Tribunali sedit **JUDEX** æquissimus,  
toties unicuiq; quod suum est reddebat.

Ejus secundum jus & æquum semper sententia,  
immunem absolvebat innocentiam,

& non unius sceleris rea condemnabat vitia.

Sub hoc Universitatis Crac: PROCANCELLARIO  
ad superiorem virtus & eruditio promovebatur gradum,  
& quidquid non juxta regulam eruditæ fuit virtutis,  
id omne non licere, studiosis mentibus inculcabat.

Repetitis vicibus in Universitate **RECTOR,**  
bina D. JAGELLONIS ita gessit Sceptra,  
ut clavam Hercules,  
caduceum Mercurius,  
Jupiter Sceptrum.

*Nempe*

fuit in rebus agendis prudentissimus,  
pro publico Bono zelozissimus;

in regi-



1286  
in regimine felix,  
in laboribus & adversitatibus infractus,  
domi forisq; Legum zelator.  
Rarò tonantem sæpiùs juvantem gessit Patrem,  
accessu facilis,  
ore, vultu, & gestibùs ipsas spirabat gratias.  
Si non superavit tunc æquavit,  
profundò judiciò Catones,  
corporis & animi majestate Augustos,  
infracta in agendo dexteritate Achilles,  
liberalitate demùm Nervas & Tyberios.  
Hac Regni totius in Metropoli,  
quotquot sunt præsertim mendicantium ex Ordine,  
Sacrarum Familiarum Cætus,  
tot sunt ejus in se munificentiaè vivi testes.  
Quicumq; ad eum accessit aliqua necessitate pressus,  
ad vota sui recessit satisfactus.  
Illos salutiferò juvabat consiliò,  
alios ope & Authoritate sui sublevabat.  
Dedit fideles ad Vineam Ghristi Operarios  
Ordinandorum EXAMINATOR,  
Non modò quæquæ Fidei & bonis moribus contraria,  
per Diæcesim Librorum CENSOR proscripsit.  
Sed simul editis *Pojnanie* Commissorialibùs Praxibùs,  
juris & æqui studiosos illustravit.  
Ejus perspectæ in omnibus prudentiaè,  
miræ activitatis & in bonum commune zeli,  
satis dedisse videtur testimonii.  
Archipræsulum & Pontificum Seminarium,  
Infulatìs, & infulandis supereminens Capitibùs,  
Peraugustum Crac: Cathedræ Capirulum,  
dum Eum in generalem PROCURATOREM elegit,  
De illius sapientia, virtute & meritis,  
constat Tibi vel maxime



*Illustrissime & Reverendissime Domine,*  
1287 D. F R A N C I S C E

*de Podkana*

P O D K A N S K I,

PATARENSIS EPISCOPE,

*Suffraganeæ & Officialis Generalis Cracoviensis,*

Virorum Ponderator Maxime,

Cujus JUDICEM SURROGATUM,

integerrimè & gloriosissime egerat.

Hic talis tantusquè Vir.

*nuper apoplexiâ tactus,*

proh dolor! violenter à fatis nobis ereptus.

Occidit ille multis bonis flebilis,

sed Tibi maximè deflendus

jam vix non in Nioben versa,

seniô grandæva Alma scientiarum Mater,

cujus oculorum lumen, & rerum columnen erat,

qui nuper in vivis desuit esse MA MCZYNUS.

Sed non deest illi Tua patrocini gratia,

integritatis Academiæ Vindex Acerrime,

RECTOR MAGNIFICE,

*Perillustri & Admodum Reverende Domine,*

D. M. CASIMIRE JARMUNDOWICZ,

Utriusq; Juris DOCTOR emeritissime,

Collegii Juridici SENIOR PATER Dignissime,

qui dum ei Tuis manibûs justa reddis funeralia,

eò ipsò contra violentiam factorum,

exportas REMEDIA JURIS.

Nos verò ad parentandum emeritissimo Patri

has Sacras in Ædes quotquot evocati sumus,

in Cælestia Curia!

precibûs & lachrymis erimus

A C T O R E S.



2. XII. 8.



S.

Z.

,

8.

Biblioteka Jagiellońska



stdr0019386



